

1253

D O G M A T I C I.

1254

tinet *Ejusdem Summae Partem III.* et quidem duplici *Exemplo*. Primum potius *Excerptis* constat, et orditur a *Quaest. 2^a*. Deinde *considerandum est de modo unionis &c.* finitque multis omissis in *Quaest. 90. Art. 4.* Alterum vetustiore manu incipit *fol. 62.* ut apud *Nicolai cit.* Quia *saluator noster dominus ihesus christus teste angelo &c.* et definit in *Quaest. ult.* five 90. ita tamen, ut *Articuli 1. 3. et 4.* minio notentur deesse, et addatur: *Finitur tertia pars Fratris thome.*

A *fol. 423.* praeter *Elenchum Quaestionum in Partem* mox dictam habentur *Adversaria theologica* levis momenti, et *Index Sanctorum*, sub quorum invocatione in *Templo*, cujus nomen tacetur, *Altaria* dedicata sunt.

DLVII.

U. 294 Codex chartaceus lat. Sec. XV. Folior. 302. f. per duas columnas commode scriptus, rubricis distinctus, et olim a *Thoma de Haselpach* saepe memorato legatus *Collegio rubee rose*, cujus *pater et superintendens* fuerat, aliud *Exemplum* est *Partis III.* praedictae *Summae*, et quidem praecedente plenius; finit enim, ut apud *Nicolai cit.* *Ideo ante baptismum non distinguitur penitentia mortaliū et venialium.* Dein: *Incipiunt capitula* (sive *Index*) *tercie partis summe fratris thome de Aquino ordinis fratrum predicatorum.*

I 3

DLVIII.

Codex chartaceus lat. Sec. XV. U. 297 Folior. 364. f. per duas columnas luculente exaratus, sed non nisi sub principium et finem rubricatus: istud in fronte praefert *ἔγκομιον*: *Hunc librum cum quibusdam alijs insignibus voluminibus numero II. liberali ac magnifica donatione inter viuos donavit ad librariam Collegij ducalis Wienne Venerabilis et eximius pater M. Andreas de Weytra sacre theologie professor egregius nec non canonicus ecclesie sancti stephani Wienne &c.* quae in amplam gratiarum actionem excurrunt. Rector Academiae Vir hic praefuit annis 1432. et 39. Liber ipse *Partis III.* supra dictae *Exemplum* aliud est, integrum, et *Indice* suo stipatum, ad cuius calcem: *Expliciunt Tituli tercie partis Summe Ordinis predicatorum fratris Thome de Aquino. laus et gloria sit ihesu christo domino.*

DLIX.

Codex chartaceus lat. Sec. XV. U. 295 Folior. 383. f. per duas columnas luculente exaratus et rubricis distinctus denuo est *Pars III. Summae* memoratae, integra, cum adjecta *Tabula*, ad cuius calcem: *Expliciunt tytuli tercie partis summe sancti Thome. En Sancti ἐπιθετον*, quo praecedentes *Librarii* abstinuere.

DLX.

1255

CODICES

1256

DLX.

- R¹¹²⁸ Codex membraneus lat. Sec. partim XIII. partim XII. Folior. 271. 4. maj. cum per duas columnas, tum lineis longis, maximam partem, quamvis non ab una manu, eleganter exaratus, rubricis distinctus, et quondam Collegii Viennens. S. J. e variis membranis confarcinatus est, quorum contenta indicabo. I. *Incipit tractatus de articulis fidei et ecclesie sacramentis editus a fratre, adde Thoma de Aquino*, pro quo Rubricatori spatium defuit. Relatus jam et hoc et superiori *Vol.* quod vide P. II. col. 2435. incipit: *Postulat a me uestra dilectio ut de articulis fidei &c. finit vero: Sit honorabile connubium et thorus immaculatus.* Itaque abest, quod in edit. *Rom.* 1570. T. XVII. fol. 64. f. de septem gloriae dotibus adtextitur. II. fol. 6. *Expositio symboli secundum fratrem thomam.* Ejus initium: *Credo in unum deum patrem omnipotentem &c. Primum est necessarium christiano cuilibet fides, sine qua nullus &c.* Est editionis mox cit. fol. eod. *Opusculum Sextum*, quod hic in Codice deficit ante finem in verbis: *Exaggeratur autem pena eorum Primo ex separatione dei — —.* III. fol. 17. p. 2. praeunte Praefatione: *Hec est pars libri numeri cum glosa.* Reipsa tantum usque ad C. XI. v. 29. Loca PP. quae Praefationem conficiunt, non ita sunt ordinata, ut hodie in *Bibliis glossatis* v. g. *Lugduni 1545.* f. habentur. Hoc Sec. XII.

IV. fol. 45. p. 2. continuo manu Sec. XIII. adscriptus est *Catalogus Pontificum Rom.* a D. *Petro ad Gregorium II.* qui incipit: *Petrus apostolus tenens sacerdotalem cathedram in antiochia annis VII. et mens. uenit romam ibique XXV. annis et mensibus VII. diebusque VIII. pontificatum tenuit.* Ita per singulos censentur anni, menses et dies regni additis etiam diebus interregnorum. *Clemens* medius ponitur inter *Cletum* et *Anacletum.* *Anicetus* praeponitur *Pio.* *Hormisdas* omisus, et *Honorius*, nescio cur, solus minio scriptus est. *Chronologiam Pontificum* mire variare notum est. In P. *Richardi O. P. Dictionnaire Univ. des Sciences eccl.* T. IV. p. 799. tres praecipuae computandi rationes *Blanchiniana*, *Pagiana* et quae est *Autorum de l' Art de verifier les Dates* &c. opportune conjunctae sunt.

V. fol. 47. ab elegante manu Sec. XII. succedit *Evangelium S. Matthaei*, et quidem *Glossis* ex *ordinaria* et *interlineari* selectis stipatum.

VI. fol. 106. brevis *Dissertatio* de *Christi resurgentis Adparationibus*, quae incipit: *Prima sabbati diluculo, sicut omnes conueniunt, uentum est ad monumentum. Jam factum erat, quod solus matheus ait, de terre motu, et reuoluto lapide et territis custodibus &c.* 2) *Alia Dissertatio* hujus argumenti: *Questio sepe uentilata est, qua iusticia anime puerorum, qui ante baptismum moriuntur, damnentur. Corpus quidem, cuius seminarium fuit*